

Chratzbörschte-Laudatio 2026 - Flawiler Fasnacht

B = Barbara; T = Thomas

Kursiv Rede von fis

B: Liäbi Flowiler:inne und Bewohner:inne
Herzlich willkommä zur Chratzbörschte-Verleihig 2026
Was für ä Freud, Eu alli do so zahlriich z'gseh
«CHAMERMACHÄ» isch als Motto hür jo geh!

T: Was isch jetzt au mit äm gäle Narrerot?
Isch är no oder chunt er z spot?

B: Hät sich au öpe eini oder einä grfoget vor dä Fasnacht.
Jo är isch no, mir sind froh, hat är nöd Rast gmacht.
Mischa, gäle Narrerot, Willkomme zrugg,
und so schlönd mir zum letschte Johr d'Brugg!

T: Chratzbörschte hemmer au wieder zrugg gholt
und för dä:diä nöchscht:nöchschi

B: ah gendergerecht – «chamermachä»

T: ..ebe und för dä:diä nöchscht:nöchschi umpolt

Mer erinnereet üs an **Preisträgers Dank vom leschte Johr**

Liebs Narrevolk, i bi ganz grüehrt: Me hät mi uf dä

Festplatz gfüehrt,

en Wanderpriis i d Tööpe glait und bi dere

Glägeheit

mich uf de Narresockel gstellt. Werums so isch,

isch gschnell verzellt:

*Jo, i bi tschuld! Und jo, s isch wohr, dass ich emoll
vor tuusig Johr*

d Chratzbörschte als e Fasnachts-Gäg erfunde ha.

Und uf dem Wäg

*isch zerscht e Zitig usechoo. Da Blättli macht ganz
Flowil froh.*

*Wer drinn erwähnt wird, fühlt sich g'ehrt. Da hends
denn mit de Johre glehrt.*

B: ... und die letschte noch äm Umzug a üs grichtete Wort vom fis:

«dChratzbörschte»

- der Ehrenpreis der Narren -

kehrte heuer zu seinem Erfinder zurück.

Der liess sich durch halb Flawil karren

und freute sich närrisch am närrischen Glück.

fis, der Ehrenbörschter, hat so viele Zeichen

der Verbundenheit bekommen, dass er auf diesem

konfettibestreuten Weg herzlich dafür dankt

fis – du bisch just am Schmudo letscht Johr gstorbe

mer gedenket dir im gmeinsamen Schwiigä för än Moment...

danke

T: Du, häsch es au ghört?

B: was, wenn... (T flüstert B etwas ins Ohr) da isch jo unerhört!

Jo nei, I han ebe än guete Schlof

T: d'Füürwehr isch immer uf zagg

Isch irgendwo Notlig oder än Flagg

Lalülala ghört mer's vo fern und denn vo noh

Anäfhare, ahaltä, uusstiege und Wasser loh

Und nochher abfahrä, aber da isch je noch Bodä gar nöd so eifach

Än Tipp vo üs: lueget doch bim parkiere uf Morascht bitte zweifach!

B: Es giit Lüüt, diä teilet ehres Lebä öffentlich

T: sogenannti Influenzer - „chamermachä“

B: über Insta, facebook oder Whatsapp Status

Denn cha's aber passiere, da isch än rechte Malus

Do z'Flowil und nödemol in Glarus,

Dass mer weltwiit über Huusufgobä brichtet

Oh Gott, diä arme Schüler – da verpflichtet!

D'Lehrer:inne sind halt scho am grössere Hebel,

aber mit dä moderne Technik, do stönd's au nur im Nebel!

T: du ebe, i därä Nacht im November: wildi Glockä

B: ah und i ha träumt, i segg am zockä

Weisch du, waa da bedütet?

T: jo, Geld sammle för d’Gmeind?
B: Ah, klar, daa isch demit gmeint!!

T: Jo 5 Stimme Unterschied zur Stüüfussenkig
Abstimmigskrimi a dä Bürgerversammlig
B: 5 Stimme, quasi dä Narrenrot
mer sind i dä Pflicht und helfet i dä Not
Mit gueter Unterhaltig hebbet mer d’Stimmig
da isch all da för ä positiv Meinigsfindig!

T: Baue isch äs ewigs Thema, vor allem im Baustopp
S’Fundament stoht, Holz verkeit- da Kleber sei än Flop!
Wie chunnt da nur usä, bliibt d’Turnhalle
nur äs Luftschloss und wa isch mit dä Kulturhalle?
Kritiker hend gfundä äs bsundrigs Fressä,
sie tönnd aber glich nöd wiiter stressä:

B: S’Geld isch gsprochä, d’Bäum sind gfällt,
mer gönd nöd ganz zrug uffs erschte Feld.
Mer lernet lieber altdütsch mit em Herr Claude us dä Neujohrsred
und wösset jetzt “Buan” heisst „Richtet üs im Dasii i“, so nett
Mer wartet, lueget, frürät und lönd entstoh
Zuversichtlich chunnt öppis, so wiä dä Jesus im Stroh!

T: Apropos frürä, Flawil baut ä Fernwärminetz
da giit zerscht uf dä Stross ä chli äs Ghetz.
Wo durä fahre isch öppä Frog
und Parkplätz giit aus kei mehr- es isch ä Plog!

B: Thomas chomm obäabä - mer hends kapiert
Hoptsach bis zur Fasnacht 2027 isch Stross wieder asphaltiert!

T: Im Vögelipärkli isch dä Tüffel, äh d’Vögel, los
Im Visier sind die Junge mit äm Fussball-Stoos.
Polizei isch alarmiert und findet bloos
Schruube und Muttere am Bodä, Gitterchäffig nur aglehnt

B: Dä grossi Moment hend d’Vögel lang ersehnt
und drum än neue Baum is Chäfig bstellt.
Ipflanze lo und schnell dä Gärtner abglenkt
Freiheit pur -da isch au vo Gott gschenkt!

T: und ebe, wann i dir vorher han wollä verzelle
i derä Novemhernacht, und da hani vonerä guete Quelle
B: also ämol kei Fake News "chamermachä"
T: hend Kiläglockä gschellet, fascht wiä zur Wahrnig vorere Katastrophe,
aber i seg der's denn i dä öbernöchschte Strophe....

"chamermächä"

B: Im Facility Management sind alli stark gforderet, es gitt viil Arbet
Alli Maschine machet sich selbstständig, da isch d'Wohret!
Mengmol hend's sogar ä grossi Identitätskrise
und meinet sie chöned als Putzmaschine ab ufs Feld, diä fiese
Aber do hettmer doch sini Zwiifel und sicheret Spure
bi dä Bergig, diä chammer sicher später no bruuche...

T: Kurz vor dä Sommerferie isch es denn leider sowiit,
im OZ entstoht ä riesige Verwüschting, krass und eifach för nüt!

B: und jetzt spiilets gar no mit äm Füür,
da isch üs langsam gar numä ghür!

T: Mer hoffet, dass DNA uf dä Putzmaschine helfet
und dä Polizei diä richtige Persone vermeldet!

B: und wer d'Riisä-Brotworscht vom Fürer gseht: a grossi Bitt:
nöd alangä, aber bewege mit emene grosse Tritt
grad au zur Spurasicherig - mer hoffet doch alli fescht,
dass Täter nöd vo Flawil sind, sondern us emene andere Nescht!

T: Gmeind isch modern und wechselt Homepage, jetzt sind mer gespannt!
oh Gott, oh nei, es isch wiä noch emene grosse Brand...

Mer findet eifach nix,
au nöd mit tuusig Klicks
Uf dä Page sind Verein weg
es isch wiä än grossä Gag!

Sie mönd sich wieder iiträgä, erscht 32 hend's gschaft
am Verein Silja Marano wünschet mer ä bitz mehr Sehkraft
Zur Korrektur vom litrag, sösch truuret d'Hospizgruppe
und besammet sich stramm au zur grosse Jägertruppe.

B: jetzt aber zrugg zur Novemhernacht
und zwor kurz vor Mitternacht:
Flawil schlooft seelig, aber vom Chiläturm

lütet gär alli Glockä Sturm...

T: ä Katastrophe oder än Albtraum?

B: zum genau das usäfinde logt sich Chilrotspräsidentin i -
diä hend siit äm Umbau ä moderns Ferntool, nöd als Schii
und oh Jimmy: Liecht isch a, alle Töre offä
än libruch oder besser än Buebestreich isch z'hoffä!

T: zack is Dorf und mit dä Securitas id Chilä Feld
zum Ertappe i flagranti dä bösi Held!
Dött isch niemert, alles isch leer, schnell Liecht löschr,
abschlüsse und wieder is Bett zugg böschelä
Was isch jetzt gscheh, hett's opä gschpukt?

B: nei, nei, än User Fehler im Programm hett sich entpuppt
IT nimmt alles uff und speicheret ohni Empathie
Technik funktioniert bestens, s'Problem isch Melanie
äh Stephanie, äh dä Name chunnt mer nöd grad in Sinn
ohje, i föhl mi grad wiä ä Greisin...

T: Dosch übä und mit dem Uftritt än Platz vorreserviere?
Im Pflegeheim chasch denn nümä gross rebelliere,
ussert wenn dä Fernseh blöd tuet -
denn gosch zum Pflegleiter mit uh viil Muet

B: jo, dä Stecker isch am Strom
und jo, i han än igstellt, dä Ton!

T: Okay, es isch öppis gröbers, dä Huusdienst muess cho
froget bi dä TB und dä Thurcom, diä isch froh,
dass sie d'Schuld ad TB zugg katapultiere chan:
Än simple anonyme Stecker sei, eifach us Fun
usäzochä wordä, ganz gspannt, wer mer do so trifft
sensibles Terrain: im WPH isch dä Fernseh wichtiger als dä Lift!

B: Sägämol Thomas, häsch du än Beamer?

T: nei, bruchi nöd. You Dreamer!

B: Es gäbti no Beamer us äm Schuel Arsenal för 20 Frankä
aber nöd z'früh freue oder gar mit andere zankä
Dä Bescht und Neuscht isch eh scho vergeh:

mit ämä Email bstellt und alli hends gseh

T: Dä Schuelrotspräsident ladt jetzt i persönlich
jede letscht Friitig im Monat- so ussergewöhnlich
zum gsellige Obet mit Film oder Super Mario-Spiel
i finde, diä Lösig hett scho Stil!

B: So, jetzt hemmer alles gseit und chömmet zum Kernstugg
Wer hett echt Aarecht uf da Prunkstugg? (B hält Chratzbörschte hoch)

T: soviel isch verrote: z'Flowil gebore und immer do bliibä,
allnä bestens bekannt und gschätzt, sehr atriibä

B: Wiiblich, gsellig und redegewandt
und „chamermachä“ mit öppertem vo üs verwandt...

B: mer hend gschtudiert und berote

T: Alles lo schmore wiä än Broote

B: Hend üs endli entscheide

T: und sägät Eu ganz zfriedä:

Guggenmusik-Wirbel (B öffnet goldiges Couvert...)

B: Chrazbörschte 2026 goot aah >> Übergabe Couvert an T

T: Die Glöcknerin im Feld!

Guggenmusik „Guggenmarsch“